

LOGO BAŃA TIGISIM NABIINA ŃWE-LAO WADE

PULIM

De na se we nabiina Ńwea de logo baŃa chega chwoŃa wade maama kugu zege logo maama wopwolo, de chega de yezura baŃa ne.

De na se we de na ba tge chega chwoŃa to mo jaane nikantgo de tigura de popra ko twi nabiina laŃa ne, ye nabiina maama yaa lage se wopwolo de yezura yaa taa wora.

De na se we ncono maama taa tei o tete se tigura de popra ye taa wora, fefeo de peenem Ńwaane, se wade sem ja kuri.

De na se we teene maama taa jege wolim, de ni seem de mimro.

De na se we "UN Charter" tngo kom page ko se wade sem Ńwea wolim Ńwaane se baara de kaana taa ye bedwe logo ywonni de wopwolo de yezura Ńwaane.

De na se we UN Tigisim teene dem maama ke nimro se chega chwoŃa wade sem ja kuri nabiina zula de wopwolo Ńwaane.

De ta na se we ko yaa lamma lanyerane se de ni wade sento kuri se ko ja wopwolo de yezura ko ba logo baŃa.

De Laam wo se we

"General Assembly" dem pe

Logo BaŃa Tigisim Wade sem se ko taa ye won-kolo kodoo na wo woli ko ja wopwolo de logo fngem de yezura na wo pa nabiina Ńwea taa jege kuri logo baŃa maama ne to.

Wadaa 1

Ba loge ncona maama se ba taa ye bedwe mo ba Ńwea de ba chega seini, ye fefeo teira ktaa. We pe ba swa de boboŃa mo se ba taa ye nubiu daane ye ba jege da ŃwaŃa.

Wadaa 2

Logo baŃa tigisim wade sem pe chwoŃa se ncono maama taa jege chega chwoŃa na wo pa ba Ńwea taa jege zula to. Wade sem ta we ba ba fee nabiinu o chega chwoŃa ne naa ba cheese o dwi o yetana, o logo lane, o we jngo naa o boboŃa Ńwaane. Wade sem ta we ba ba jege se ba taa cheese ncono we o ye baaro naa kaane, kwoo o jejegero naa ba na loge o me to Ńwaane.

Wade sem ta tage se woli da we popra ba jege se ka taa wora nabiina laŃa ne ba teo politiksi naa ko wade naa ko na ye kolo to Ńwaane. Naa ba pcore ncono we o wonji teo kolo ta na wo vere ko tete to Ńwaane.

Wadaa 3

Ko ye ncono maama chega chwoŃa mo se o taa Ńwe ye fefeo naa foonee teira.

Wadaa 4

Wadaa kam we nabiin-yeiku naa kabe totona naa kabe pipio daa ye taa wora logo bana ne.

Wadaa 5

Ba ba jege chwoŋa se ba pa noono yaare cham yerane ko na wo mane se nabiinu yaare tei to.

Wadaa 6

Noono maama ye nabiinu mo o ze paŋ o wo me maama logo bana yoba. Logo bana wade sem maama yiga ne, wadaa teira na wo ta we o dae nabiinu.

Wadaa 7

Nabiina maama ye bedwe mo wadaa yiga ne. Wadaa choo noono maama mo; ka ba poore noona ka yaga. Ka kwoli nabiina maama mo se wolo wolo ye cheese o dwon.

Wadaa 8

Noono maama wae o saŋ noono o dwon koote delo maama wone neneene ko tu na ke o choge teo kom wade selo na pa noono wom gwea ywona to.

Wadaa 9

Ba baa wane ba ja noono yoo yerane ba gare ba ke o peena diga naa ba zeili o o teo ne pa o vo zoora te-gaa ne.

Wadaa 10

Ba na jaane noono fee wora se ba di o sareya koote ne lanyerane ko man de teo kom wade na tini tei to ba ni o seene o choge naa o wo choge.

Wadaa 11

Ba na jaane noono we o choge o mane waarem ba na wo di o bora tata ba ba jege chwoŋa ba te we choge fee wora se ba pa ko tu chwoŋa se o ja loya de sareya tiina se ba woli o se ba di taane dem koote ne.

Ba baa wane ba ta we noono yaa ke o choge naa ba ta we o ve se o yaa ke kolo na mane keim chega chwoŋa ne to, ye ka mana ne wadaa yaa teira ko gwaane. Ko kwaga ne tata ba baa wane ba pa noono waarem na dage de dwoi waarem delo dwi o deim yaa na wo jwon o na choge mana kalo to.

Wadaa 12

Ba ba jege chwoŋa ba daane noono yoo yerane o boboŋa keiri seini, naa o diga tiina, naa o soŋo de o pwola totona seini. Ba nam ba jege chwoŋa ba ke o kekeo kolo na wo choge noono wom yu to. Wadaa kanto choo noono maama mo o kekeo maama seini, ye daanem teira.

Wadaa 13

Noono maama wae o beiri o boboŋa na lage tei ye o zoore o boboŋa na lage

me maama to, o teo ne.

Nɔɔno maama wae o nwon teo de teo, naa o tete teo ne o beiri o vei teo kodwon ye o jwoora.

Wadaa 14

Nɔɔno wolo maama na ne chem o teo ne, o wane o duri o vo o taa zoore sateene dedwonna ne o wopwolo de yezura nwaane.

De ko de, o cham dem na dae nenene politiksi laɲa ne ko wo taa chamma se o duri o nwon. O na choge teo kom wade ge mo naa o kekeo kom na wo de UN wade sem na mae tei to sateene dedwonna baa se de jwon o mole mole.

Wadaa 15

Nɔɔno maama jege teo, o na nwon me.

Ba baa wane ba zeili nɔɔno o teo ne, naa ba fee o se o ye leiri teo o bobona na lage tei to.

Wadaa 16

Baara de kaana na bege ba ti to wae ba di daane ye ba yetana, naa ba na nwon tekolo, naa ba na toge wechona kalo dwi to baa wane ko cheini ba se ba ye di daane ba lo sonjo. Ye ba kadiri seini ba maama ma daane, ba zora de ba nwea seini, ye ba wae ba yage daane maɲa de maɲa, ba tete bobona na lage tei.

Kadiri wio ye baaro de kaane tete yerane na se se ba zo daane, ye ko dae we nɔɔno mo fee ba to.

Sonjo tiina - baaro de o kaane de o bu - mo ye sayu kugu takeiri wone. Konto nwaane tekeiri dem de teo kom maama jege se ba taa ni ba baa ne mo, ba taa choo ba wolwanno maama wone.

Wadaa 17

Nɔɔno maama wae o jege o tete nyɔɔne wonno, naa o de o badwonna wae ba tei wonno daane.

Ba baa wane ba vere nɔɔno wonno naa ba pa se o ye taa lage wonno.

Wadaa 18

Nɔɔno maama wae o bon o na lage tei. O wae o ke o bobona keiri, o wae o toge wechona kalo dwi o na lage to; o nam ta wae o leiri o wechona naa o bonem o yerane naa o de kogo, ye o bere nɔɔna wechona kam o taane de o totona seini.

Wadaa 19

Nɔɔno wae o nyɔɔne o bobona na lage tei. O wae o te kolo maama o na bone o yu ne, ye nɔɔno ba jege chona se o cheini o ni. O wae o beiri labaare o bobona o daare o pae labaare dwi maama labaare tonno de walese bam maama wone se de jage jei mamma.

Wadaa 20

Nɔɔno maama wae o tɔge o zoore asemble naa tigiſim dwi maama na ye yezura tigiſim to.

Ba baa wane ba fee nɔɔno se o zo tigiſim delo o na ba lage to.

Wadaa 21

Nɔɔno maama wae o tɔge o di o teo gɔmente paare; o nam ta wae o tɔge o voti o kuri nɔɔna o ke gɔmente dem wone.

Nɔɔno maama wae o jwɔŋ wolim delo o teo gɔmente na jege de woli de nɔɔnbia maama to, ko ma da ko ma da.

Gɔmente maama dam wo taa tɔge de nɔɔnbia kwora na we tei to mo. Nɔɔnbia bam kwora kam mo yei ni ka bere nɔɔnbia bam na wo kuri ba gɔmente dem paare tiina tei to. Kurim dem jege se ko de voti lao naga mo, se nɔɔno maama voti o bobɔŋa na laga tei to, ye se ko de voti wadaa kam naga chekke.

Wadaa 22

Nɔɔno maama teo gɔmente jege se de taa choo o ŋwea laŋa ne de de dam, de de naduni dedaane de na jege nimɔɔ tei de sateene dedwonna to se ko pa nɔɔno wom ŋwea ja kuri se o wane o ji nɔɔno lanyerane.

Wadaa 23

Nɔɔno maama wae o ke toton; o wae o kuri o bobɔŋa na de toton delo, ye fee wora se toton dem taa jege kuri na pa o ywonni de wopwolo ye o ba lia we ba wo zaŋ ba le o toton dem ne to.

Nɔɔno maama ka, ye ko ba chuli o na ye wolo dwi to, jege se o taa jwɔŋ ŋweo na mae de o toton dem dam na mae tei to mo.

Wolo maama na toŋa ko maŋ se o ŋweo taa ye zegere se ko wane ko ni o tete dedaane o diga tiina lanyerane. Ko ta maŋ se o taa ne fee o totona jei ne.

Nɔɔno maama wae o tɔge o zoore totona jei tigiſim yalo na wo woli o o totona laŋa seini to.

Wadaa 24

Nɔɔno maama jege chwonja se o taa jege sio de sio maŋa, dedaane hawase bagera o na o ke totona jei ne to; ye o ta wae o jwɔŋ daa bem wone o jeini soŋa ne o sia ye ba baa le o ŋweo wone.

Wadaa 25

Fee wora se nɔɔno maama taa ŋwe ŋwea na jege kuri ye ka ywoma ka pae o tete de o diga tiina to. Ko maŋe se wodiiru, zora jei, assibita na ni yezura seini to dedaane won-telo maama na wo woli pa se ŋwea taa ywoma to taa wora. Fee ta mo wora se wolim taa wora ko pae nɔɔno maama nenɛene o na ba toŋa, o na weela, naa o na jigi nabwom jaweo ŋwaane, o na ye badeim naa kadeim, o na kwe naa nɔɔno na ye zore tu, o ware se o ni o

tete baɲa ne.

Fee wora se ba taa fage ba ni niina de bia baɲa ne lanyerane. Bu maama, o jege kwo yoo o ba jege kwo yoo, ko maɲe se ba ni o baɲe ne mo ba woli o se o ke noono.

Wadaa 26

Noono maama jege choɲa se o ke sikuuli. Sikuuli veɲa, ko zege prameiri sikuuli ko vo yi Junia Sekondeiri Sikuuli, wo taa ye zɛɛra mo, ye ko ta ye fefeo mo se bu maama vo sikuuli se ko yi konto. Tɛkenekal Sikuula de totoɲa berem sikuula neneɛne Koleja de wo taa wora se balo na wo vo da to vo. Univesiti de sikuula kamuna yadwonna de wo taa wora se balo na paase ba tɛɛsa lanyerane to vo.

Sikuuli veɲa naa ton-yeino ye se ko pa noono swa mo poore se o wane o lore kolo maama na lana ko pa nabiino se ko ja wopwolo de yezura ko ba to. Ko jege se ko ja nimɔɔ de badwono mo ko ba de sateene logo baɲa ne, de nabiina dwi maama de wejɔɔna dwi maama se ko zeini logo baɲa tigisim totoɲa dwi maama na woli logo maama yezura to.

Tiina jege chwoɲa se ba kuri ba na wo taa lage se ba bia zamese tono sikuuli delo dwi wone to.

Wadaa 27

Noono maama wae o toge o ke o nabaara kekeo o na lage tei, de keina yadwonna, de "Science" na jaane wodonno telo maama ko ba nabiina jirim naa wolim ɲwaane to.

Noono maama na popone o tono o na yei kolo maama logo lam ɲwaane to, fee wora se ba zeini naa ba woli o se o ne ko maana.

Wadaa 28

"United Nations" nia yanto ye se ko pa nabiino maama logo baɲa wolim, de wopwolo de yezura mo.

Wadaa 29

Noono maama jege fee totoɲa se o ke o na zoore takeiri delo maama ne to se ko pa se o taa ye non-ɲwem se o ɲwea ke ywonni.

Noono fee totoɲa keiri wone o jege se o de wade sem na lage tei to mo. O ba jege se o ke o gaale naa o ke o choge badwonna wo. O nam ba jege chwoɲa o ke o choge kogo ywonni de noono wopwolo, kogo zula ɲwaane.

Noono maama na toge nabiina ɲwea de logo baɲa chega chwoɲa wade sento o jege se o toge "United Nations" na lage se ko de tei to mo.

Wadaa 30

Noono, naa nona, naa teo ye zaɲ ba boɲe we ba wo wane ba ke wogo se ko leiri naa ko choge nia yanto ba na tin tono konto ne to.